



Kamis, 12 Oktober 2023

Ogen: Kejadin2:18



“Teman Guna Nampati”



Sekali waktu, reh sekalak Moria nuri-nuri kerna persoalen geluh. Gedang kal ia cerita; janahna tangis serko. Ku begiken, la aku ngerana janahna fokus aku ku cerita si iturikenna; seh maka nina Moria ndai., bujur Pendeta., nggit kam inganku nuri-nuri. "Ise pe kuakap lanai lit teman si banci nampati aku., kerina keluarga tempa kuakap lanai temanku bahkan simetuaku pe nalahken aku. Kerina nggo jadi imbangku, lanai lit temanku si banci nampati aku. Entah madin saja aku lawes rumahku nari, adi ise pe lanai jadi temanku", nina erbelas. Kekelengen ni Tuhan, bagem me pentingna lit teman si banci nampati kita. Tupung lit persoalenta, lit ingan kita banci nuri-nuri; tupung erbebe lit teman si banci megiken pingko-pingkota, asum teriluhlit teman si banci ngangkai persoalenta.

Dibata ngidah sisi kelemahen bas dirinta selaku manusia, emaka i litkenna teman si cocok guna nampati manusia. Dibata ngidah maka manusia labo ngasup nggeluh alu la erteman, e maka i lit ken Tuhan teman manusia ndai. Keterbatasan bas dirinta ebahansa kita menjadi makluk si lemah si butuh penampat guna nampati ibas perdalanen geluhta;subuk susah-senang; sakit-sehat;ersen-la ersen.

Penampat man perbulangen e me kap ndeharana janah penampat man ndehara e me kap perbulangenna. Perbedaan ras keterbatasan i bas masing-masing pasangan i perluken cara pandang ras pemahamen si serta guna ngaloken perbedaan gelah ngasup kita jadi penampat nandangi pasangenta. Kai pe adi irasken jadi menahang kap. Geluhsi sampat-sampaten bagi siarus tetap si lumbaken bas kegeluhenta, sabap uga gegehna pe kita bas sada paksa kita perlu penampat kalak sideban, radu megegeh.